

سنه لکى در سعادت ايجون مجديه
يکرمى غروش حسابيله التمش
غروشدر

طشره ايجون پوسته اجرتى اوله رق
اون بش غروش ضم اولنور

نسخه سى ٤٠ پاره در

کتابخانه

آبونه اولوق ايستينلر دائره عدليه ده
اداره مخصوصه سنه مراجعت
ايتليدر

اعلاناک بهرنندن بر مجديه اخذ
ايديلور

نسخه سى ٤٠ پاره در

هفته ده ايکى دفعه جمعه ايرتسى و چهارشنبه کونلرى نشر اولنور. محتوياتى امور عدليه به متعلقدر

تجربيات

مجدداً تشکيل بيوريان مناستر ولايتى عدليه
مفتشلىکى ولايت مذکوره استيناف محکمه سى جزا
دايره سى رئيسى مصطفى نديم افندى به

مجدداً تشکيل بيوريان سلا نيك ولايتى عدليه
مفتشلىکى تجارت بحريه محکمه سى اعضاسندن
اوراما کى افندى به

مجدداً تشکيل بيوريان قوصوه ولايتى عدليه
مفتشلىکى يانيه واشقودره ولايتلى عدليه
مفتشارندن عزتولو ميخايل لطيف افندى به

در سعادت اعلامات نظاميه اجرا مأموريتى
در سعادت بدايت محکمه سى برنجى حقوق دايره سى
باش کاتبى عزتولو بهجت بکه

مناستر ولايتى استيناف محکمه سى جزا دايره سى
رياستى ولايت مذکوره استيناف محکمه سى مدعى
عموميسى رفعتلو نائل افندى به

مناستر ولايتى استيناف محکمه سى مدعى عمومى
ولايت مذکوره عدليه مفتش معاون سابقى رفعتلو
مظهر بکه

بغداد ولايتى مرکز بدايت محکمه سى جزا دايره سى
رياستى بتليس ولايتى مرکز بدايت محکمه سى جزا
دايره سى رئيسى مصطفى شکرى افندى به

بتليس ولايتى مرکز بدايت محکمه سى جزا دايره سى
رياستى بغداد ولايتى مرکز بدايت محکمه سى جزا
دايره سى رئيسى آصف افندى به

سپروز سنجاغى بدايت محکمه سى مدعى عمومى
معاونلىکى تکفور طراغى سنجاغى تجارت محکمه سى
رئيسى تمستوقلى افندى به

سرفيچه سنجاغى بدايت محکمه سى مدعى عمومى
معاونلىکى آيدين سنجاغى بدايت محکمه سى مدعى
عمومى معاونى عزتولو حافظ عطاء بکه

آيدين سنجاغى بدايت محکمه سى مدعى عمومى
معاونلىکى سرفيچه سنجاغى بدايت محکمه سى
مدعى عمومى معاونى فتولو الياس عزت افندى به

معلقره قضاسى بدايت محکمه سى جزا دايره سى
رياستى صوفيلو قضاسى بدايت محکمه سى جزا
دايره سى رئيسى حسين فاضل افندى به

صوفيلو قضاسى بدايت محکمه سى جزا دايره سى
رياستى دارى دره قضاسى بدايت محکمه سى جزا
دايره سى رئيس سابقى سليمان افندى به

عثمانيه قضاسى بدايت محکمه سى جزا دايره سى
رياستى لوروس قضاسى بدايت محکمه سى جزا
دايره سى رئيسى مصطفى صدقى افندى به

لوروس قضاسى بدايت محکمه سى جزا دايره سى
رياستى عثمانيه قضاسى بدايت محکمه سى جزا دايره سى
رئيسى بحرى افندى به

کره بنه قضاسى بدايت محکمه سى جزا دايره سى
رياستى قوزانه قضاسى بدايت محکمه سى جزا
دايره سى رئيسى محمد راشد افندى به

قوزانه قضاسى بدايت محکمه سى جزا دايره سى
رياستى کره بنه قضاسى بدايت محکمه سى جزا
دايره سى رئيسى ضيا افندى به

اخى چلبى قضاسى بدايت محکمه سى جزا دايره سى
رياستى مرفقه قضاسى بدايت محکمه سى مدعى
عمومى معاونى يحيى سزائى بکه

مرفقه قضاسى بدايت محکمه سى مدعى عمومى
معاونلىکى آيدونات قضاسى بدايت محکمه سى
مدعى عمومى معاونى درويش کال افندى به

آيدونات قضاسى بدايت محکمه سى مدعى عمومى
معاونلىکى مکتب حقوق شاهانه مأذونلرندن على
رضا افندى به

قيالر قضاسى بدايت محکمه سى مدعى عمومى
معاونلىکى آلاصونيه قضاسى بدايت محکمه سى
مدعى عمومى معاون سابقى عزيز افندى به

ته دلن قضاسى بدايت محکمه سى مدعى عمومى
معاونلىکى قيالر قضاسى بدايت محکمه سى مدعى
عمومى معاونى مصطفى وفائى افندى به

مجدداً تشکيل بيوريان قوصوه ولايتى استيناف
محکمه سى مدعى عمومى معاون ثانیلىکى قواله
قضاسى تجارت محکمه سى رئيسى پتراکى افندى به
تفويض بيورلش ومومى اليهمدن محلف اوليان بهجت
بک ايله على رضا افنديک على الاصول امر تحليفلى
دردست اجرا بولنشدر.

تبليغات

٦١٥ نومرولى نسخه ده مندرج نظامنامه نك

مابعدى:

اون سكرنجى بند اراضى قانوننامه هايوننده
مبين اولدينى وجهله حق قراردن سند اعطاسى
معامله سى اساساً بش قسمه منقسم بولنان اراضيدن
يالکز اراضى اميره ايله تخصيصات قيبندن اولان
اراضى موقوفه ده جارى اولوب اراضى ملوکه
ومتروکه ايله من القديم زراعت اولنماش واقصاى
عمراندن بعيد بولنش اولان اراضى موآده اصلا
جارى وجائر دکلدرد.

اون طقوزنجى بند حق قراردرد سند طلبنده
بولنانلره بند سابقده بيان اولندينى وجهله سند
اعطاسندن اول مدعى بها اولان اراضينک ويرکو
وطاپو قيودنجه کيمک نامنه مقيد اولدينى واساساً
نه مقوله اراضيدن بولندينى وتاريخ زراعت وتصرفدن
برو ويرکو واعشارينک هر سنه ويرلش اولديغنه دائر
الده اوراق رسميه سى بولسوب بولندينى تحقيق
ومحلفلى مجالس اداره سنجه تدقيق ايديله رک عندالتدقيق
مدعى بها اولان اراضى مقدمه قسماً ويا تماماً کيمک
نامنه مقيد ايسه قيد عتيقه دخى شرح و اشارت
اولنه جقدر.

یکرمی بندن برمنوال بالا اجرا ایدیه جک
تدقیقات نتیجه سنده حق تصرفی ثابت اولان
کیمسه لر مصرفی کندیلرینه عائد اولوق اوزره
اوتوز ایکنجی بندن محرر اولدینی وجهله سختین
اولوق اول محاکم تخطیط خریطه لری بالتظیم برقطه
نسخه مصدقسی اعطا قلنه جق و دیگر نسخه سی حفظ
ایدیه جکدر .

یکرمی برنجی بندن تقریر اخذ واستاعنه نظاماً
مأذون اولان مأمورلر دفتر خاقانی اداره لرده ولدی الحاحه
طرفین عاقدینک اقامت کاهلر لنده وملحقاتی کشت و کذار
صره سنده تقریر اخذ واستاع ایدرلر .

یکرمی ایکنجی بندن تقریر اخذ واستاعی
تعریفات قانونیه وجهله مأمورک حضورنده واقع اولوق
مقتضی اولوب مع مافیه معاملانده برقات دها تأمین
انضباط ایچون تقریر استاعی ائسانده ولایت مرکز لرنده
اوقاف محاسبه جیسله ویرکو مدیرینک ولوالرده
اوقاف مدیریه ویرکو مأمورینک حاضر بولنلری
وقضالرده کذلک طابو کاتبینک حضورنده ویرکو
کاتبینک بولنسی مقرر در .

یکرمی اوچنجی بندن دفتر خاقانی به متعلق
خصوصانک مذاکراتنده دفتر خاقانی مدیر مأمورلری
وقضالرده طابو کاتبلری مجالس اداره ده اعضای طبعیه
صفقله بولنلر ق مضطه لری تختیم ایدیه جکدر در .

یکرمی دردنجی بندن فراغ وانتقال معاملاتی
کونی کونه ایشا ودفاتره مناقلاتی اجرا ایدیه جکی
کی ویرکو قلملرینه دخی معاملات واقعدهن بلافاآه
وقت معلومات اعطا قلنه جقدر .

یکرمی بشنجی بندن کرک دائمی اولسون وکرک
یوقلمه اولسون هر معامله ایچون قطعاتی اعتبار یله
من القديم استیقا ایدلکده اولان کاتبیه درسعادته
شهر وقصباتده بشر وقراده اوچر غروش اولوق
کاگان اخذ اولنه جقدر .

یکرمی التنجی بندن قید اخراجی حق سنده کی
عریضالار ایه اشخاصه متعلق اولوق محاکم و دواژدن
واقع اولان اشعار اوزرینه چیقاریله جق قیدلرک
قیمت لرینه نسبتله بیکده وکسر نده ایکیشر غروش
قیدیه آله جق و بونک مقداری مین قیدی حاوی
اولان درکنارلرک زیرینه مطبوع مقبوض علم و خبری
ربط والصاق واوزرلری تاریخ ومهر رسمی ایه ابطال
ایدیه جکدر .

اشبو علم وخبرلر ربط والصاق ایدلماش اولان
قیدلر اوزرینه معامله رسمیه اجرا ایدیه جک و بویولده
علم وخبرسز قید اخراج وتصدیق ایدنلرله آنلر
اوزرینه معامله قبول واجرا ایدنلردن ایکیشر مثلی
چراغی نقدی آله جقدر .

یکرمی یدنجی بندن بلزایده حاله قلنان محلولات
ممعجلانک وتقسیم وافراز معاملاننده وقید تصحیح نده
قیمت مقیدلرک هر بیکده وکسر لرندن دردر غروش
قیدیه آله جقدر .

اشبو قیدیه لر حاصلات عمومیه میاننده دفترلره
کچوریه جکی جهته بونلر ایچون قید اخراجیه مخصوص
مقبوض علم وخبری الصاق اولنیه جقدر .

یکرمی سکرنجی بندن دفتر خاقانی مدیر مأمور
وکتبه ومستخدمینی بوکره توظیف اولندقلری جهته
بونلره دائمی معاملانندن بعد ازین عائدات وکاتبیه
ویرلیه جکدر .

اوچنجی قسم

یوقلمه معاملانده دأتردر
یکرمی طقوزنجی بندن هر لوانک دفتر خاقانی
مأموری لوا داخلنده بالجله املاک وارضی ومسقات
ومستعلات وقضیه ایه خیرات ومبرات وسائر مؤسساتک
ورجسته تخصص ویا جانب میریه یه عائدیرلرک موقعلری
ومحله وقریلری اعتبار یله برراساس قید دفتری تنظیم
ایدیه جک و بونلرک برر مصدق نسخه سی دفترخانه یه
ارسال ایلیه جکدر .

اوتوزنجی بندن اشبو دفترلر عمومی یوقلمه
اجراسی صورت یله ترتیب ایدیه جک وسندلی وسندسز
بالجله املاک واموال غیر منقولیه یه محتوی اوله جقدر
سنداته مربوط یرلرک حدود حاضره سی وتعیین
ایلیه جک مقداری سندات دروننده محرر حدود
ومقادیره توافق ایتمدیکی صورتده حدود حاضره ایه
مقادیر متبینه سنداتک ظهیرینه شرح وترقیم ایه تختیم
وتصدیق قلنه جق و بویله سنداته مربوط محاللر
سندلرینک تاریخ ونومرولری دخی اساس قیدی
حاوی اولان اشبو دفترلرک خانه مخصوصلرینه قید
واشارت ایدیه جکدر .

اوتوز برنجی بندن بالاده اون بشنجی بندنده
محرر اولدینی اوزره مدت معینه طرفنده انتقال
معامله سی اجرا ایدلماش اولان محاللر یوقلمه ائسانده
ثبت دفتر ایدیه لرک انواعی اعتبار یله تعرفه ده مندرج
خرج نسبتلرندن جزاء برر مثلی فضله اولوق اخذ
اولنه جقدر .

اوتوز ایکنجی بندن یوقلمه اجراسی صره سنده
ایروده تعمیم اولنلق اوزره شمعدیلک قابل اجرا
اولان شهر وقصبلرده واقع بالمعوم املاک وارضی
وسائر ایه ملحقانندن اولان ترلا ومزارع ومرعی
وسائر نه مساحلری اجرا ایتدیرلرک هر قطعه یه
مخصوص تخطیط خریطه سی (قادسترو بلانی) ایکی
بیکده برمیاسیده نسخین اولوق تنظیم اولنه جقدر .

مهندس لر ایه دفتر خاقانی مأمور ویا طابو کاتبلری
طرفندن تنظیم وتختیم اولنه جق اولان اشبو تخطیط
خریطه لرینک برر نسخه سی اصحابنه اعطا قلنه جق
و دیگر نسخه لری قیود اساسیه نک متممی اولوق اوزره
محاللری دفتر خاقانی اداره لرنده حفظ اولنه جقدر .
(مابعدی وار)

محاکمات قضاوتیه

محکمه تمیز حقوق دائره سندن تنظیم واعطا
اولنان اعلامدر :

بروسه داخلنده آیواجق قضاسنک آله ته قریه -
سندیه مقیم متوفی مصطفی چاوش ورته سندن اوغلی
حسام الدین افندی وزوجه سی امهان قادین وبابا قلمه
قریه سنده کریمه لری عایشه وامینه قادیلر ایه مالیه
خزینیه جلیله سی بپننده متحدث دعوایه دائر آیواجق
بدایت محکمه سندن ۳۰ تموز سنه ۱۳۱۳ تاریخی واون
طقوز عددیه ویربلان اعلام ورته مرقومه طرفندن
تمیز ایدلکله باش مدعی عمومیک مأموریت بهیه سنک
مطالعه نامه سی آلتقدن صوکره اعلام مذکور بالکنز
مستدعی تمیزلرک اعتراض لایحه سیله بالمطالعه تدقیقات
تمیزیه اجراسنه ابتدار قلندی .

اعلام مذکورک خلاصه مالی محلی خزینه وکیلی
ورته مرقومه نک مورث و پدرلری متوفی مصطفی
چاوشک خزینیه جلیله یه غیر از تسلیم سکسان ایکی بیک
غروش دینی اولوب تأمین ایچون مرهون بولنان
معلوم الحدود آنی قطعه زیتونلرک رهنیتی بالتصدیق
مبلغ مذکورک تحصیلی طلب دعوی ایتسنه قارشو
مدعی علیهم ورته مرقومه دن دعوتیه اجابت ایدن امهان
وعایشه قادیلر دخی متوفان کندولرینه بر مال
موروث ومنتقل اولمافله کندولرندن خزینیه مشار -

الیهانک سنه ادعا وطلبه صلاحیتی اولدینی مدافعه
درمیان ایتلرله بونلر حقنده وجاهاً وحسام الدین
افندی ایه امینه خاتون حقنده وکیل مسخر تعیینیه
غیباً بر درجه یه قدر محاکمه جریان ایتش ایسه ده
اخیراً مزبور تان امهان وعایشه قادیلر دخی غیوبت
ایلتش اولملرله مجموع ورته ایچون وکیل مسخر
حضور یله جریان ایدن محاکمه وتدقیقات غیبیه نتیجه
سندیه ورته مرقومه دن عایشه وامهان خانولرک مقدما
اجابتلرله دعوانک وجاهاً جریاننده مبلغ مدعا به
مورثلرینک ذمتی ایدوکنی اقرار وتصدیق ایتلرینه
مبنی مبلغ مذکورک مع مصارف محاکمه مزبور تان
عایشه وامهان قادیلرندن اقرارلری موجبجه ومزبوران

حسام الدین افندی وامینه قادیلرک دخی عندالاعتراض
انکارلری حالنده یمینلرینه تعلیقاً وهر برلرینک
حصه لری نسبتنده تحصیلنه ورهن حقنده مدعی علیهمک
وضع پدرلری ثابت اولدیلندن اولبابده کی ادعانک ردینه
حکمدن ومستدعی تمیزلر ورته مرقومه نک اشبو حکم
علیهن لایحه لرنده محرر اعتراضلرینک باشلوجه سی
دین مذکورک نه جهندن مورثلرینک خزینیه جلیله یه
دینی اولدیلرک خزینه وکیلندن سؤل اولنماسی
وکندولرینک ترکّه متوقایه وضع پدرلری ثبوت بولیوب
خصوصت توجه ایتدیکی حالده کندولرینک محکومیتلری
جهته کیدلسی یولسز ومخالف قانون اولدیلندن بمثلله
اعلام مذکورک قضی استدعاسندن وآنف البیان
مطالعه نامه مندرجاتی دخی کرک وجاهی وکرک غیبی
جریان ایدن معامله اصوله موافق کورندیکندن قرار
واقمک تقضیه دائر لایحه تمیزیه ده درمیان اولنسان
اعتراضات غیر وارد اولدینی بیانندن عبارتدر .

ایجابی مذاکره اولندقه اعلام مذکور مطالعه
سندن اکلاشلدینی اوزره بو مقوله دیون متوفان
ورته سنک شخصاً مسؤل ومحموم اوله بیلملری
متوفانک ترکّه سنه واضع الید اولدقلرینک ثبوت
وتحقیقه متوقف اولوب بو صورت ثابت اولدقچه
شخصاً محکوم اوله میه جق لرینه نظراً محکمه مذکورده
بوصورت ثابت اولقمسزین مدعی علیهمک مبلغ مدعا به
ایضاسیله محکوم ایدلری یولسز ومغایر قانون اولدیلندن
اصول محاکمه حقوقیه قانوننک ایکییوز اوتوز ایکنجی
ماده سی موجبجه اعلام مذکورک تقضیه قانون
مذکورک ایکییوز قرق دردنجی ماده سی حکمنه
توقیقاً کفیتک بالرویه اعلامیه ربطی ضمنتده محکمه
مذکورده ایداده سنه ۲ کانون اول سنه ۱۳۱۴ تاریخنده
متفقاً قرار ویرلدی .

محکمه تمیز استدعا دائره سندن تنظیم واعطا
قلنان اعلامدر :

سینوب سنجانی بدایت محکمه سی جزا دائره سندن
استینافاً لاحق اولوب ۲۲ تشرین اول سنه ۱۳۱۹
تاریخنده تفهیم ایدیلان مرور زمان قرارینی حاوی
اعلامک تمیزینی مستدعی محلی اورمان اداره سی دعوی
وکیلی طرفندن ویریلان ۲۷ تشرین اول سنه ۱۳۱۹
تاریخی استدعنامه واوراق متفرعه سی باش مدعی
عمومیک مأموریت بهیه سنک ۵ تموز سنه ۱۳۲۲
تاریخی تبلیغنامه سیله محکمه تمیز استدعا دائره سنه
تودیع اولغله لدی التدیق مذکور استدعنامه نک مدت
قانونیه موافق اولدینی اکلاشلدیلندن اوراق مرقومه
هائزه جه قرائت ومطالعه اولندی .

اعلام مذکورک مالی کوراوغلاری احمد وصالک
محکوم بولندقلری معلوم المقدار اورمان جزای تقدیسی
تأدیه دن اظهار عجزلری تبیین ایتدیکی جهته حکمنک
حبسه تحویلی دعواسی حقنده بدایه اجرا قلنان
محاکمه نتیجه سنده جزای نقدی حکمنی حاوی اولان
اعلامک ۸ حزیران سنه ۱۳۱۶ تاریخیه مورخ اولوب
حبسه تحویلی استدعاسنک محکمه یه ۳۰ اغستوس سنه ۱۳۱۹
تاریخنده اعطا ایدلرکی اکلاشلمش اولدیلندن اورمان
نظامنامه سنک اوتوز برنجی ماده سی موجبجه خصوص
مذکورک مرور زمانه سقوطنه دائر ویربلان قرارک
استیناف ایدلسی اوزرینه جریان ایدن محاکمه استینافیه ده
موافق اصول وقانون اولان حکم ابتدائینک تصدیقه
قرار ویرلیدیکندن ومذکور استدعنامه یه مربوط
لایحه ده مندرج اعتراضاتک خلاصه سی دخی اورمان
نظامنامه سنک اوتوز برنجی ماده سنده محرر اولان
مرور زمان تضمیناته عائد اولوب جزای نقدی یه
عائد اولان اعلامات اوچ ماه ظرفنده منفسخ اولیوب
اصول محاکمت جزاییه قانونی موجبجه اوچ سنه
ظرفنده منفسخ اوله جینی درکار ایکن بروجه محرر
قرار ویرلسی مغایر قانون اولدیلندن وسائرده بمثلله
مذکور اعلامک قضی طلبندن وتبلیغنامه نک مفادی
دخی مندرجات اعلامه نظراً مرور زمان وقوعولش
اولدینی اکلاشلدیلندن تمیز استدعنامه سنک ردی لازم
کله جکی بیانندن عبارتدر .

ایجابی لدی المذاکره لایحه تمیزیه ده سرد وبیان
ایدیلان اعتراضات مندرجات اعلامه نظراً بحا ونقضی
مستلزم اسباب قانونیه دن کوریه مدیکندن اعتراضات
مسروده نک ردیه موافق اصول وقانون اولان اعلام
استینافی مذکورک تصدیقنه و تمیز اعلامی خرجی
اولان یوز غروشک اورمان اداره سندن اخذ
واستیفاسه ۱۷ تموز سنه ۱۳۲۲ تاریخنده متفقاً قرار
ویرلدی .

نومرولی نسخه ده مندرج درسعادت
جنایت محکمه سی اعلامنک مابعدی :

بوشاهدلرک شهادتلری ختامه ایردیکه نه دیه جکی
متملردن جبرائیلدن صورلدقه ده اوغلنی چراقلق ایتک
اوزره زدینه قبول ایتدیکی مصطفی افندی کندوسنی
بالاغفال استیجار ایدلکری خانه ده بر دوکجه یه
یادیرمش اولدقلری قابلر ایه قلب مجیدی چاریکی
اعمال ایتدیکری ومصطفی افندی سنک مذکور قلب
چاریکری کوبری یاننده طار زقاعده مناولق ایدن
طاهره کوتوره دک یاربم انگیز آتونه تحویل

ایتدیرمکده بولندینی وکندوسنی ابراهیم ایه اسکندرک
دردست ایتدیردیکنه ذاهب اولوق مرقومانه افتزاده
بولندینی وحالبوکه ابراهیم واسکندرک قلمز لکندن
معلوماتلری اولدینی درمیان ایلدی .

قره کرکه اقامت ایتدیکی ویرماده دن طولانی
موقوف بولندینی سولیپان یکرمی بر یاشنده
قریمی سلیمان بن علی متملردن جبرائیلک خسته خانه دن
توقیفخانه یه اعاده ایدلرکی وقت اورتاغی مصطفی افندی
ایله برلکده بر سنه قدر قلمز لک ایتدیکی و ابراهیم
ایله اسکندرک قلمز لکندن معلوماتلری اولدینی افاده
ایدیکی وسرقت ماده سندن طولانی جنحه فعلیه
موقوف بولندینی بیان ایدن اون طقوز یاشنده
آستانه لی یشار بن یشار متملردن جبرائیلک خسته -
خانه دن کلدرک قلمز لک ماده سنده ابراهیم واسکندرک
دخلری اولدینی سوبلیدیکی وحریق ماده سندن
طولانی موقوف بولندینی وحقنده کی حکم کسب
قطعت ایتدیکی سولیپان یکرمی اوچ یاشنده مرفه لی
یانی ولد پراشکوه متملردن جبرائیلک کندوسنی
حکومه اخبار ایدن اسکندر اولدینه ذاهب اولوق
مرقومه افترا ایتدیکی بیان ایدلرکی وقرتالده اقامت
ایتدیکی ویرماده دن طولانی موقوف بولندینی
درمیان ایدن قرتال رژی قول باشیسی قرق بش
یاشنده قوچحصارلی علی بن عثمان دخی متملردن
جبرائیلک خسته خانه دن کلدرک دیگر مهم ابراهیم
واسکندر افترا ایتدیکی سوبلیدیکی بیان
ایتدیلر .

شاهد قریمی سلیمان وآستانه لی یشار ومرفه لی
یانی ورژی قولجیسی علینک ذات وشهادت لرینه قارشو
نه دیه جکی متملردن جبرائیلدن صورلدقه کیفیتک
اویله اولدینی افاده ایلدی .

(بقیه سی کلجک نسخه یه)

محاکمات انتظامیه

ملک قضاسی بدایت محکمه سی مدعی عمومی
معاونی عزت افندیکن برسرقت ماده سنده یولسز
وخلاف قانون معاملات وحركاته اجناساری اجرا
قلنان تحقیقاتدن مستبان اولمسنه مینی ایشدن ال جکدیر یله رک
محاکمه آتته آلدیرلمسنه عدلیه نظارت جلیله سندن مأذونیت
ویریه رک سلاطینک ولایتی استیناف مدعی عمومیکنه
تبلیغات لازمه ایفا قلمشدر .

الاعانات

در سعادت استيفاء مدعی عمر بیکلنده :

بیک اوچوز یکر می اوچ سنه سی نیسانک التنجی جمعه کونی تپه باشند بریستول اوتلنده مسافره مقیم رشید مطران بکک او طه سنی آلت مخصوصه ایله آچهرق معلوم المقدار اشیاسنی اخذ و سرقه ایلدیکی ادعاسیله مظنون علیه اولوب مذکور اوتلده مسافره ساکن ایکن وقعه نی متعاقب فرار ایتش و اوزون بویلی، اسمر بکزیلی، قره بیقلی اولوب قاشنک یان جهتده بیوک دوکه کی برسیاه نشانی بولنش اولان تبعه یونانیهدن دیوستن بوریس نام شخصک اصول محاکمات جزائیة قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلنمق اوزره قانون جزانک ایکی یوز یکرمنجی ماده سی موجبجه جنایتله اتهامه قرار ویرلدیکندن متهم مرقومک هر زده کوریلور ایسه طوتیلوب محکمه مذکوره توقیفخانه سنه تسلیمی لازم کله جکی بالجمله ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتنظیم اعطا قلندی .

موسیو اولیونک متصرف اولدینی درت باب خانه دن بریسنی بالاستیجار احراق ایلدیکری ادعا قلنم سندن طولای مؤبداً کورک جزاسیله محکوم بولسان یاتقو وظفیرینک شریک جرملری اولدقیری ادعاسیله مظنون علیهم اولوب غیر موقوف بولسان قاضی کوبنده سکودلی چشمه ده علی قلفه نک خانه لرندن برنده اقامتله قاضی کوبنده اجزاجی دکانک قارشوسنده غازینجی اوزون بویلی، ملحمجه وجودلی، قرال صاچ و قاشلی، الا کوزلی، قره بیقلی، تبعه یونانیهدن حجره یورکی ولد یانی وقاضی کوبنده چارچی محله سنده بر اسلام قادینک متصرفه اولدینی خانه ده ساکن وقاضی کوی دسپوتی تریانده فیلدی افدینک خانه سنده بانچوانلق ایدن قیصه بویلی، قره صاچ و کوزلی، آز قاشلی، سیوریجه برونلی، قرال بیقلی ساقزلی قسطی ولد میخال قسطنطولاکی ایله هکبه لی آطه ده مزیک زقاغنده مقیم سیغورطه قومپانیه لری دلالی ایدن اورته بویلی، قرال صاچ وقش و بیقلی، الا کوزلی منمنلی ظفیری ولد یورکی مصرلی اوغایینک اصول محاکمات جزائیة قانونک مواد مخصوصه سی احکامنه توفیقاً جنایت محکمه سنده محاکمه لری اجرا قلنمق

اوزره قانون جزانک یوز آلتش اوچنجی ماده سی موجبجه جنایتله اتهاملرینه قرار ویرلدیکندن متهمون مرقومونک هر زده کوریلور ایسه طوتیلوب محکمه مذکوره توقیفخانه سنه تسلیمی لازم کله جکی بالجمله ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتنظیم اعطا قلندی .

تجارت بحریه محکمه سنده

محمود پاشا جوارنده مغازه سنده از میراوغلی خانی آلتده ساکن ایکن تجارت بحریه محکمه سندن افلاسنه حکم اولنش جبرائیل قازاکیانک خصوصات افلاسیه سنک رؤیت و تسویه سی ضمنتده دعوی وکیلرندن عثمان طلعت بک ایله پانده لاک قوزمیدی افندی اصالة سندیک تعین قلنش اولدقیرندن مفلس مرقوم ذمتده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکر می بر کون ظرفنده سنداتی محکمه کاتبه تسلیم ایللری ومدت مذکوره ختامندن صوکره اوچ کونده یعنی ۳۲۳ سنه سی تشرین اولنک اون التنجی صالی اون یدنجی چهارشنبه واون سکرنجی پنجشنبه کونلری تجارت بحریه محکمه سنک مصالح افلاسیه رؤیته مخصوص او طه سنه کله رک سندیک افدیلر مواجهه سنده آله جقیرینی اثبات وقید و تصدیق ایتدیرملری ومدت مذکوره ده اثبات وجود ایده میان آله جقولر حقنده قانون مذکورک ۲۱۰ نجی ماده سنه توفیقاً ایفای معامله اولنه جفی اعلان اولنور .

قوزغنجقده دره بوینده مغازه ده ساکن ایکن تجارت بحریه محکمه سندن افلاسنه حکم اولنش اولان مانیفاطوره وتحفیه تجارندن هازی پازناسک خصوصات افلاسیه سنک رؤیت و تسویه سی ضمنتده دعوی وکیلرندن قبله لی کال افدینک اصالة سندیک تعین قلنش اولدیقندن مفلس مرقوم ذمتده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکر می بر کون ظرفنده سنداتی محکمه کاتبه تسلیم ایللری ومدت مذکوره ختامندن صوکره اوچ کونده یعنی ۳۲۳ سنه سی تشرین اولنک اون بشنجی بازار ایرتسی اون التنجی صالی واون یدنجی چهارشنبه کونلری تجارت بحریه محکمه سنک مصالح افلاسیه رؤیته مخصوص او طه سنه کله رک سندیک افدیلر مواجهه سنده آله جقیرینی اثبات وقید و تصدیق

ایتدیرملری ومدت مذکوره ده اثبات وجود ایده میان آله جقولر حقنده قانون تجارتک ۲۱۰ نجی ماده سنه توفیقاً ایفای معامله اولنه جفی اعلان اولنور .

اهومات شرعیه اجرا دائره سنده :

کراسته جی حاجی احمد افانک علی رضا افندی ذمتده محکوم به آلا جفی اولان مبالغ معلومه نک تأمین استیفاسیچون مدیون موسی الیهک عهده تصرفنده بولنان قوریجی محمد چلی محله سنده ایوانسرای جاده سنده واقع تخمیناً قرق بش آرشون عرصه اوزرینه مبنی یکر می بش نومرولی و آلتش غروش کراالی بر باب اخشاب دکانک تمامنک تاریخ اعلاندن اعتباراً اون بش کون صوکره فروخته تشبث اولنه جفی اعلامات شرعیه اجرا دائره سندن اعلان اولنور .

محکمه تجارت اجرا دائره سنده :

بک اوغلنده قله دیننده کائن بقال دکاننده موجود اولوب تبعه دولت علیه دن ملتیدی حاجی آندریا ایله یونان دولتی تبعه سندن مفلس پایا یانوپلو ماصه سته عائد ایکی عدد دستکاه و بر عدد جاملی طولاب و بر عدد مع درهم کبیر آصمه ترازو و بر عدد دیوار ساعتی و بر عدد یاز یخانه ایله جامکان اشبو کله جک تشرین اول رومینک بشنجی جمعه کونی ساعت یدیدن طقوزده قدر بالمزایده فروخت اولنه جقندن اشتراسنه طالب واولانلرک واطرافلیجه معلومات آلق ایستینلرک یوم ووقت مزبورده مذکور دکان پیشکاهنده مأموری مواجهه سنده حاضر بولنلری محکمه تجارت اجرا دائره سندن اعلان اولنور .

در سعادت اهو مات نظامیه اجرا دائره سنده :

ام کلثوم خانم و سائر نک کیغورق قلنجیان اغا ذمتده با اعلام نظامی محکوم به آله جقیرندن طولای مدیون مرقومک عهده تصرفنده اولوب حجز آلتنه آلتش اولان مقری قریه سنده باروتخانه جاده سنده تخمیناً سکسان درت آرشون عرصه اوزرینه مبنی و بر در اچه و تخمیناً یوزن اون آرشون بانچیهی و سنوی اون سکز عثمانلی لیراسی ایجار کتوریر مقدا خانه والیوم اون درت نومرولی بر باب دکان تمامنک تاریخ اعلاندن اعتباراً اون بش کون صوکره بالمزایده فروخته تشبث اولنه جفی در سعادت اعلامات نظامیه اجرا دائره سندن اعلان اولنور .